



iānitor -ōris *m* = ōstiārius  
sī quis = sī aliquis  
extrā *ppr+acc*

ad-mittere  
intrā *ppr+acc* ↔ extrā  
ferōx -ōcis = ferus  
anteā=ante hoc tempus,  
antiquis temporibus

catēna  
-ae *f*  
ferreus -a -um = ex ferrō  
factus  
aurum -i *n*



CAVE CANEM

Iānua vīllae ē duābus foribus cōnstat. Sub foribus est *līmen*, in quō SALVE scriūptum est. Foris duōs cardinēs habet, in quibus vertī potest; cum foris in cardinibus vertitur, iānua aperītur aut clauditur. Servus cuius officium est forēs aperīre et claudere ac vīllam dominī cūstōdīre, ōstiārius vel iānitor appellātūr.

Sī quis vīllam intrāre vult, iānuam pulsat et extrā iānuam exspectat, dum iānitor forēs aperit eumque in vīllam admittit. Iānitor intrā iānuam sedet cum cane suō, quī prope tam ferōx est quam lupus; itaque necesse est eum catēnā vincīre. Anteā dominī sevērī nōn sōlum canēs, sed etiam iānitōrēs suōs catēnīs vinciēbant.

Catēna quā canis vincītur ex ferrō facta est. Catēna cōnstat ē multīs ānulis ferreīs qui inter sē coniunguntur. Ānulī quibus digitī ornantur nōn ex ferrō, sed ex aurō

factū sunt. Aurum est magnī pretii sicut gemmae. Ānulus aureus multō pulchrior est quam ānulus ferreus.

Forēs ē lignō factae sunt sicut tabulae. Lignum est māteria dūra, sed minus dūra quam ferrum. Qui rēs ferreās vel ligneās facit, faber appellātur. Deus fabrōrum est Vulcānus. —

Iānua clausa est. Iānitor, qui forēs clausit postquam Mārcus intrāvit, iam rūrsus dormit! Iānitōre dormiente, canis vigilāns iānuam cūstōdit. Extrā forēs stat tabellārius (sicut appellātur servus qui epistulās fert, nam anteā in tabellīs scribēbantur epistulae). Is baculō ligneō forēs pulsat atque clāmat: "Heus! Aperī hanc iānuam! Num quis hīc est? Num quis hanc aperit iānuam? Heus tū, iānitor! Quīn aperīs? Dormīsne?"

30 Cane lātrante iānitor ē somnō excitātur.

Tabellārius iterum forēs pulsat magnā vōce clāmāns: "Heus, iānitor! Quīn mē admittis? Putāsne mē hostem esse? Ego nōn veniō vīllam oppugnātum sicut hostis, nec pecūniām postulātum veniō."

35 Tandem surgit iānitor. "Quis forēs nostrās sicut pulsat?" inquit.

Tabellārius (extrā iānuam): "Ego pulsō."

Iānitor (intrā iānuam): "Quis 'ego'? Quid est tibi nōmen? Unde venīs? Quid vīs aut quem quaeris?"

40 Tabellārius: "Multā simul rogītās. Admitte mē! Posteā respondēbō ad omnia."

Iānitor: "Respondē prius! Posteā admittēris."

sīc-ut = ut

aureus -a -um = ex aurō factus

ligneus -a -um = ex lignō factus  
faber -brī m

claudere clausisse  
clausum (esse)



heus! : audi!

num quis = num aliquis

quīn? = cūr nōn?  
quīn aperīs? = cūr nōn aperīs? aperi!

-tūm: villam oppugnātūm  
= quia villam oppugnārē volō

tandem = postrēmō  
(post longum tempus)

rogītāre = interrogāre  
(multa)  
post-eā = deinde

prius adv ↔ posteā

-tū: nōmen facile dicitū  
est = facile est nōmen  
dicere; vōx difficilis  
audītū est = difficile  
est vōcem audire

dicere dixisse dictum  
(esse)  
erūs -i m = dominus

dormītūm īre = ad  
somnum īre

forīs adv = extrā forēs

fremere = 'rrr' facere  
ut canis īrātus  
re-tinēre < re- + tenēre

cavēre

re-sistere = cōsistere  
et manēre  
solvere ↔ vincere



terrēre=timentem facere  
propius comp < prope  
ac-cēdere = ad-īre

monēre -uisse -itum

Tabellārius: "Nōmen meum nōn est facile dictū: Tlēpolemus nōminor."

Iānitor: "Quid dīcis? Cleopolimus? Vōx tua difficilis 45  
est audītū, quod forēs intersunt."

Tabellārius: "Mihi nōmen est Tlēpolemus, sīcut iam  
dictum est. Tūsculō veniō. Erum tuum quaerō."

Iānitor: "Sī erum salūtātum venīs, melius est aliō  
tempore venīre, nam hāc hōrā erūs meus dormītūm īre 50  
solet, post brevem somnum ambulātum exībit, deinde  
lavātūm ībit."

Tlēpolemus: "Sī quis per hunc imbreū ambulat, nōn  
opus est posteā lavātūm īre! At nōn veniō salūtātum.  
Tabellārius sum." 55

Tandem iānitor forēs aperit et Tlēpolemum forīs in II  
imbre stantem videt. Canis īrātus dentēs ostendit ac  
fremit: "Rrrr...!" nec vērō tabellārium mordēre potest,  
quod catēnā retinētur.

Iānitor: "Cavē! Canis tē mordēbit!" Sīc iānitor homi- 60  
nem intrantem dē cane ferōcī monet.

Tlēpolemus in līmine resistēns "Retinē canem!" in-  
quit, "Nōlī eum solvere! Nec vērō opus est mē monēre  
dē cane, ego enim legere sciō." Tabellārius solum intrā  
līmen aspicit, ubi CAVE CANEM scriptum est īfrā imāgi- 65  
nem canis ferōcis. "Neque haec imāgō neque canis vē-  
rus mē terret!" inquit, et propius ad canem accēdit.

"Manē forīs!" inquit iānitor, "Nōlī ad hunc canem  
accēdere! Iam tē monuī!"

- 70 Tabellarius vērō, quamquam sīc ā iānitōre monitus est, alterum gradum ad canem versus facit — sed ecce canis in eum salit catēnam rumpēns! Homō territus ex ūstiō cēdere cōnātur, sed canis īrātus pallium eius dentib⁹ bus prehendit et tenet.



salire  
rumpere  
terrēre -uisse -itum  
cēdere = īre  
pallium -ī n  
prehendere

canis saliēns catēnam  
rumpit et pallium  
Tlēpolemī dentibus  
prehendit

- 75 “Ei! Canis mē mordet!” exclāmat tabellarius, quī iam neque recēdere neque prōcēdere audet: canis fremēns eum locō sē movēre nōn sinit.

Iānitor rīdēns “Quīn prōcēdis?” inquit, “Nōlī resiste! Ego tē intrāre sinō. Iānuam aperuī. Prōcēde in 80 villam!” Sīc iānitor virum territum dēridet.

“Id facilius est dictū quam factū” inquit tabellarius, atque alterum gradum facere audet, sed canis statim in pedēs posteriōrēs surgit atque pedēs priōrēs in pectore eius pōnit! Tabellarius, tōtō corpore tremēns, ex ūstiō cēdit: sīc canis eum ē villā pellit. “Removē canem!” inquit ille, “Iste canis ferōx mē intrāre nōn sinit.”

Iānitor eum tremere animadvertis iterumque dēridet: “Quid tremis? Hicinē canis tē terruit?”

prō- [→] ↔ re- [←]  
prō-cēdere ↔ re-cēdere  
sinere

aperīre -uisse -rtum  
dē-rīdēre



re-movēre  
iste -a -ud: iste canis  
= ille canis apud tē

hicinē = hic-ne

sub + *abl/acc*:  
sub tēctō esse  
sub tēctum īre

solvēre -visse solūtum  
arbitrāri = putāre

rumpere rūpissee ruptum

posse potuisse

nūper = paulō ante  
emere ēmissē ēmptum  
scindere scidisse scissum  
iste -a -ud

venīre vēnissee

num quid = num aliquid

ferre: ferō ferimus  
fers fertis  
fert ferunt

aureus -i m = nummus  
aureus (1 aureus = XXV  
dēnārii = C sēstertiū)

sci-lacet = ut sciunt  
omnēs

hic haec hoc + -ne:  
hicine?  
haecine?  
hocine?

forās *adv* = ē foribus,  
ē domō

Tlēpolemus: "Nōlī putāre mē ab istō cane territum  
esse! Sī tremō, nōn propter canem ferōcem, sed propter  
imbrem frigidum tremō. Admitte mē sub tēctum, iāni-  
tor — amābō tē! Vincī istum canem ferōcem! Cūr eum  
solvistī?" Tabellārius enim canem ā iānitōre solūtum  
esse arbitrātur.

Iānitor catēnam manū prehendit canemque paulum ā  
tabellāriō removet. "Nōlī arbitrāri" inquit "mē canem  
solvisse. Canis ipse catēnam suam rūpit. Ecce catēna  
rupta."

Tlēpolemus: "Num canis catēnam ferream rumpere  
potest? Id nōn crēdō. At certē vestem scindere potuit: 100  
vidēsne pallium meum novum, quod nūper magnō pre-  
tiō ēmī, scissum esse ā cane tuō?"

Iānitor: "Istud pallium nōn est magnī pretiī, neque id  
nūper ēmptum esse crēdō. Sed quid tū vēnistī? Num  
quid tēcum fers?"

Tlēpolemus: "Stultē rogītās, iānitor, nam iam tibi  
dixī 'tabellārium mē esse'. Quid tabellāriōs ferre arbit-  
rāris? aureosne iānitōribus? Profectō nōs aurum nōn  
ferimus."

Iānitor: "Vōs scilicet epistulās fertis." 110

Tlēpolemus: "Rēctē dīcis. Epistulam afferō ad Lū-  
cium Iūlium Balbum. Hocine erō tuō nōmen est?"

Iānitor. "Est. Quīn mihi istam epistulam dās?"

Tlēpolemus: "Prius vincī canem et sine mē intrāre!  
Nōlī iterum mē forās in imbrem pellere!"

Iānitor, postquam canem vīnxit, “Nōn ego” inquit, “sed hic canis tē forās pepulit. Nōlī nārrāre ‘tē ā iānitōre forās pulsum esse’!”

Cane vīnc̄tō, tabellārius tandem intrat epistulamque  
120 ostendit iānitōrī; quī statim epistulam prehendit et in  
ātrium ad dominum suum fert.

vinc̄re vīnxisse vīnc̄tum  
pellere pepulisse pulsum

cane vīnc̄tō = postquam  
canis vīnc̄tus est

## GRAMMATICA LATINA

### *Supīnum*

[I] Amīcī salūtātum veniunt (= quia salūtāre volunt).  
125 ‘Salūtātum’ supīnum vocātur. Supīnum in -tum dēsinēns significat id quod aliquis agere vult et pōnitur apud verba ‘ire’, ‘venīre’, ‘mittere’ et alia.

Exempla: Rōmānī cotīdiē lavātum eunt. Mīlitēs oppidum oppugnātum mittuntur. Vesperī omnēs dormītum eunt. Mē-  
130 dus et Līydia ad tabernam eunt ānulum ēmptum.

[II] Id est facile dictū = facile est id dīcere.  
‘Dictū’ est alterum supīnum in -tū dēsinēns, quod apud adiectīva ‘facilis’ et ‘difficilis’ et pauca alia reperītur.

Exempla: Multa sunt faciliōra dictū quam factū. Vōx diffi-  
135 cilis audītū est.

salūtātum  
-tum

dictū  
-tū

## PENSVM A

Hōrā nōnā erus ambulā– ire solet. Tabellārii nōn mittuntur pecūniā postulā–. Hostēs castra expugnā– veniunt. Multī barbarī Rōmām veniunt habitā–.

Syra: “Verba medicī difficilia sunt audi–.” Ea rēs est facilis. Nōmen barbarū difficile dic– est.

Verba: terrēre –isse –um; claudere –isse –um; dīcere –isse –um; solvere –isse –um; emere –isse –um; rumpere –isse –um; aperīre –isse –um; vinc̄re –isse –um; pellere –isse –um; scindere –isse –um; venīre –isse; posse –isse.

Vocabula nova:  
foris  
limen  
cardō  
iānitor  
catēna  
aurum  
lignum  
faber  
tabellārius  
imāgō  
pallium  
aureus

ferōx  
 ferreus  
 aureus  
 ligneus  
 cūstōdīre  
 admittēre  
 vincīre  
 rogītāre  
 fremere  
 mordēre  
 retinēre  
 cavēre  
 monēre  
 resistere  
 solvere  
 terrēre  
 accēdere  
 salire  
 rumpere  
 cēdere  
 prehendēre  
 recēdere  
 prōcēdere  
 sinere  
 dēridēre  
 tremere  
 pellere  
 removēre  
 arbitrāri  
 scindere  
 iste  
 scīlicet  
 anteā  
 posteā  
 prius  
 tandem  
 nūper  
 foris  
 forās  
 sicut  
 quīn  
 extrā  
 intrā  
 supīnum

## PENSVM B

Iānua cōnstat ē duābus —, quae in — vertuntur. Ōstiārius vel — dīcitur servus qui hominēs in villam —. Canis eius prope tam — quam lupus est; itaque necesse est eum catēnā — [<>ferrum] —. Ānulus Lȳdiae nōn ex ferrō, sed ex — factus est. Servus qui epistulās fert — dīcitur, nam — epistulae in tabellīs scribēbantur.

Tabellārius — ianuam stat. Iānitor, qui — iānuam sedet, tabellārium dē cane ferōcī —: “Cavē! Canis tē —!” In solō intrā — scriptum est ‘— canem’ īfrā — canis. “Nec haec — nec canis vērus mē —” inquit tabellārius, ac propius ad canem —. Canis catēnam — et vestem eius dentibus —. Tabellārius neque — neque — audet. Iānitor: “— prōcēdis? Ego tē intrāre —!” Sīc iānitor hominem territum —. Ille alterum gradum facit, sed canis eum ex ōstiō —. Tlēpolemus tōtō corpore — ex ōstiō —. — [= postrēmō] iānitor canem vincit.

## PENSVM C

Quid est iānitōris officium?  
 Cūr necesse est canem eius vincīre?  
 Ex quā māteriā cōnstat iānua?  
 Vulcānus quis est?  
 Quid in solō intrā līmen vidētur?  
 Quid tabellārius sēcum fert?  
 Unde venit Tlēpolemus et quem quaerit?  
 Quōmodo iānitor ē somnō excitātur?  
 Quid agit Iūlius post merīdiem?  
 Cūr canis saliēns catēnā nōn retinētur?  
 Quid facit iānitor antequam tabellārius intrat?